

darauß er seine Meinung vnd Vorhaben stüzet.) Vnd solches wurde an mir nicht allein waar / sondern ich ließ mich durch die Betrieger / weil ichs nicht verstund / dahin bereden / daß ich nun auch des Gebers vergaß / legte mich auff böse Sophistische Recept / so die Baganten erdichteten vnd vmbtrugen / wolte mit denen / (wie man sagt) den Teuffel bannen / darumb nam ichs auff allerley Weise / als erdacht werden könnte / für / mit solvirung vnd coagulirung allerley Salzen / als des Salis communis, Salis armoniaci, Salis alcali, Salis depinu, (al. panis) Salis anatron five Nitri, Salis Vitri, (al. fellis Vitri) Salis Tartari, Saracenicis, metallicis, vnd solche solvirung / coagulirung vnd calcinirung / muste mehr den hundertmal geschehen / vnd brachte damit zu zwey Jahr.

Hernachmals arbeitete ich mit solchen erfahrenen Gesellen / die es alles wußten / vnd ihnen doch nie nichts geschehen / im Vitriol vnd Aluminibus,

E ij

als

Catalogus  
rerum vitandorum  
in arte Philosophica  
I. Salia.

2. Mineralia.